

26.07.2021.

Njemačka međunarodna organizacija GIZ objavila je javni poziv za prijavu projekata u oblasti turističkog sektora u okviru projekta "EU za oporavak biznisa" za pomoć preduzetnicima u borbi protiv posljedica izazvanih virusom korona.

Ukupna vrijednost projekta iznosi 13,7 mil EUR, finansiraju ga EU sa 13 miliona i Vlada Njemačke sa 700.000 evra.

Grantovi i tehnička podrška biće dostupni preduzećima i turističkim operaterima da bi osigurali kontinuitet poslovanja, ali i stvaranje inovativnih startupova, saopšteno je iz Delegacije EU u BiH.

Fond od jedan milion evra bespovratnih sredstava i tehničke podrške unutar projekta dostupan je za mjere oporavka turizma.

To su mjere koje se fokusiraju na aktivnosti poput razvoja strategije upravljanja destinacijama, pristupa novim tržištima za preduzetnike u turizmu, razvoja brenda, razvoja akcionih planova održivog turizma, ulaganja u ekološki prihvatljiva rješenja i drugo.

Projekat "EU za oporavak biznisa" podržava mikro, mala i srednja preduzeća u BiH da nastave poslovanje i očuvanje radnih mjesta, a posebno će podržati preduzetnice, mlade i druge ranjive grupe u osnivanju vlastitih biznisa i u prevladavanju negativnog efekta pandemije stvaranjem otpornijeg poslovnog okruženja.

Menadžer projekta Nils Vessel izjavio je u Sarajevu da na poziv do 20. avgusta mogu aplicirati partnerstva koja uključuju do tri partnera, koja će dalje raspodijeliti sredstva krajnjim korisnicima, privatnim preduzećima i destinacijama.

"Visina mogućih odobrenih sredstava je 300.000 KM. Trajanje predloženog projekta ne može biti duže od 12 mjeseci", naveo je Vessel ističući da se prijava može izvršiti na [web stranici](#) EU Delegacije u BiH.

Prijave je moguće podnijeti online, putem aplikacijskog portala dostupnog na linku: <https://eu4business.core-enigma.com/>

.